



Wan gaed blong ol apliken blong Pacific Engagement Visa (PEV):

Wanem kaen wok nao yu save faenem long Ostrelia?

Ostrelia hem i wan bigfala kantri wetem plante long ol indastri mo opotuniti blong wok long evri sikisfala stet mo tufala teritri. I gat difren kaen wok long difren ples long Ostrelia, mo hamas mane we yu nidim blong liv mo setemap gud laef blong yu bae i dipen long wanem ples yu go long hem. Gaed ia hem i tokbaot ol difren ples (ol rijon) blong helpem yu lukaotem wok.

! Sam samting blong tingbaot

Taem yu stap lukaotem wok long Ostrelia, i gud blong tingbaot ol samting ia:

- **Ples:** Ostrelia hem i wan bigfala kantri, mo long evri stet i gat ol difdifren weta, komuniti mo indastri.
- **Salari mo mane we yu nidim blong liv** Long samfala siti mo stet long Ostrelia i gat moa opotuniti blong wok wetem ol hae salari (mane yu winim long wok), be bae hem i save sas moa blong liv long ol ples ia.
- **Komuniti:** Long samfala eria i gat plante man blong Pasifik mo Timor mo hemia i save helpem yu blong filim se yu stap long hom.

Wan sot gaed blong ol stet mo teritri long Ostrelia

↻ Weta mo ol koneksen long komuniti

- **Northern Territory (NT), Queensland (QLD), and Western Australia (WA):** Long olgeta stet ia weta hem i tropikal olsem long Pasifik mo Timor-Leste.
- **Victoria (VIC), Tasmania (TAS) and South Australia (SA):** Long ol stet ia weta hem i kolkol mo i gat fo sisen.

🌐 Komuniti we i fulap long ol difren kaen kalja

- Ol komuniti blong Pasifik oli fulap moa long Queensland, New South Wales mo Victoria:
 - **Long New South Wales**, ol komuniti blong Pasifik oli stap long Blacktown, Liverpool, Campbelltown, Penrith mo Canterbury-Bankstown.
 - **Long Queensland**, ol komuniti blong Pasifik oli stap long Logan, Brisbane, Ipswich, Gold Coast mo Moreton Bay
 - **Long Victoria**, ol komuniti blong Pasifik oli stap long Casey, Hume, Brimbank, Melton mo Whittlesea.
- Ol komuniti blong Timor-Leste i stap plante long Northern Territory mo Victoria:
 - **Long the Northern Territory**, ol komuniti blong Timor-Leste i stap long Darwin mo Palmerston.
 - **Long Victoria**, i gat ol bigfala komuniti blong Timor Leste long Brimbank, Wyndham, mo Maribyrnong.

\$= Mane yu nidim blong liv mo ol salari

- **Kost blong liv hem i hae:** Long tugeta ples ia Sydney (New South Wales) mo Melbourne (Victoria) i gat plante opotuniti blong wok be kost blong liv long ol ples ia i hae.
- **Salari hem i hae:** Long ol rijonel eria long Queensland mo Western Australia oli stap ofarem ol wok wetem bigfala salari blong pulum intres blong ol woka blong go long ol ples ia we i longwei lepet, be hem i save had blong faenem wan ples blong liv long hem.
- **Kost blong liv hem i lo moa:** Long South Australia mo Tasmania hem i no sas tumas blong liv long wei be i nogat plante opotuniti blong wok.

Ol wok we hem i stap raon long Ostrelia

Ol wok we yu save faenem long Ostrelia i difdifren long wanwan stet o teritri. Eksampol: ol stet we oli mekem maening plante (olsem long WA, QLD mo NT) oli stap pem gudfala mane blong wok be ol ples blong wok i save longwei lepet. Long ol narafala stet (olsem NSW, VIC mo Australian Capital Territory (ACT)), i gat ol difren kaen wok be fulap man oli stap lukaotem wok tu.

I gat ol wok long saed blong agrikalja i stap long evriples be nomoli kaen wok ia hem i blong sot taem o blong ol kasuel woka.

New South Wales (NSW)



- **Bigfala siti:** Sydney
- **Ol bigfala indastri:** Warehousing mo manufacturing (long Western Sydney), hospitality mo turism (long Eastern Sydney), ofis blong praevet sekta (long siti), kea blong ol olfala mo konstraksen (truaot long siti).
- I gat plante wok long ples ia, be praes blong renhaos i save sas, mo kost blong liv tu i hae.

Victoria (VIC)



- **Bigfala siti:** Melbourne
- **Ol bigfala indastri:** Manufacturing, heltkea, arts mo creative industries.
- I gat plante wok long Victoria, speseli long saed blong saens mo teknikal sevis from se i gat plante difren kaen bisnis mo ikonomi i stap gro.

Queensland (QLD)



- **Bigfala siti:** Brisbane
- **Ol bigfala indastri:** Turism, maening, agrikalja, mo heltkea.
- I gat plante sisonel wok speseli long ol rurol eria. Be hem i save had blong faenem wan hao long ol ples ia.

Western Australia (WA)



- **Bigfala siti:** Perth
- **Ol bigfala indastri:** Maening, oel mo gas, agrikalja, mo turism
- Long Western Australia i gat ol wok long maening long ol ples we i stap longwei, mo long samfala wok ia ol woka i mas flae long plen blong kasem. I mekem se bae oli save pem bigfala mane moa.
- I gat ol wok long saed blong ol skills tred mo long teknikal saed. Be hem i save had blong faenem wan haos long ol ples we i stap longwei.

South Australia (SA)



- **Bigfala siti:** Adelaide
- **Ol bigfala indastri:** Indastri blong waen, manufacturing, heltkea mo defence
- I gat ol wok long South Australia long saed blong heltkea, retail, konstraksen, edukesen mo manufacturing. Mo hem i mo jip blong liv long ples ia bitim ol narafala stet mo teritri.

Tasmania (TAS)



- **Bigfala siti:** Hobart
- **Ol bigfala indastri:** Aquaculture, turism, hospitality mo agrikalja
- I nogat tumas wok mo weta hem i kolkol, be i gat plante wok blong ol woka long saed blong heltkea.

Northern Territory (NT)



- **Bigfala siti:** Darwin
- **Ol bigfala indastri:** Oli stap lukaotem moa woka long plante difren kaen indastri speseli long maening mo ol skills tred.
- I gat plante wok long saed blong maening, heltkea mo konstraksen. Ol emploia oli stap lukaotem ol woka blong wok long ples ia.

Australian Capital Territory (ACT)

- Bigfala siti: Canberra
- Ol bigfala indastri: Ol wok long Gavman mo pablik sevis



- Ol wok ia oli gud be maet i nidim blong gat wan kwalifikesen blong yunivesiti mo samtaem i mas gat sitisensip blong Ostrelia.



Yu save kasem moa infomesen long saed blong Emploimen Sapot Sevis blong PEV long websaet ia: pev.gov.au

Long websaet blong mifala, yu save faenem moa risos, olsem ol pepa blong infomesen long saed blong emploimen mo ol templet blong mekem wan resume (CV). Mo tu yu save saenap long ol Emploimen Infomesen Sesen blong lanem moa long saed blong hao blong lukaotem wok long Ostrelia.